



ქედის მუნიციპალიტეტის საკრებულოს

გ ა ნ კ ა რ გ უ ლ ე ბ ა

დაბა ქედა



განკარგულება:გ-95.95250311

თარიღი:31/01/2025

ა(ა)იპ - „საქართველოს სამედიცინო ჰოლდინგი“-სათვის ქედის მუნიციპალიტეტის საკრებულებაში არსებული უძრავი ქონების პირდაპირი განკარგვის წესით, სარგებლობის უფლებით, ვადიანი, უსასყიდლო უზუფრუქტის ფორმით გადაცემაზე ქედის მუნიციპალიტეტის მერისათვის თანხმობის მიცემის შესახებ

ქედის მუნიციპალიტეტის საკრებულო აღნიშნავს, რომ „2022 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2022 წლის 12 იანვრის N4 დადგენილებით დამტკიცებული „პირველადი და გადაუდებელი სამედიცინო დახმარების უზრუნველყოფის ქვეპროგრამის“ - „სოფლის ექიმის“ კომპონენტით გათვალისწინებული მომსახურების განსახორციელებლად შეიქმნა ა(ა)იპ - „საქართველოს სამედიცინო ჰოლდინგი“. აღნიშნული ჰოლდინგი მოითხოვს მის ბალანსზე ქედის მუნიციპალიტეტში 6 (ექვსი), კერძოდ: დოლოგნის, მახუნცეთის, მერისის, ოქტომბრის, ცხმორისის და დანდალოს ამბულატორიების გადაცემას, რომელიც დადებითად იმოქმედებს „სოფლის ექიმის“ პროგრამის განხორციელებაზე. საქართველოს სამედიცინო ჰოლდინგი ერთიანი მიდგომით დაიწყებს მუშაობას ამბულატორიების რეაბილიტაცია/მშენებლობისათვის, რითაც ქედის მუნიციპალიტეტის სოფლების მოსახლეობისათვის გაუმჯობესდება პირველადი ჯანდაცვის მიწოდების ხარისხი და შენობების ინფრასტრუქტურული მდგომარეობა.

ზემოთაღნიშნული გარემოების გათვალისწინებით ქედის მუნიციპალიტეტის საკრებულო მიზანშეწონილად მიიჩნევს, რომ მიეცეს თანხმობა ქედის მუნიციპალიტეტის მერს ა(ა)იპ - „საქართველოს სამედიცინო ჰოლდინგი“-ს სარგებლობის უფლებით, 2 წლის ვადით, უსასყიდლო უზუფრუქტის ფორმით გადასცეს ზემოთ დასახელებული უძრავი ქონება.

საქართველოს ორგანული კანონის „ადგილობრივი თვითმმართველობის კოდექსი“-ს 122-ე მუხლის 1-ლი პუნქტის „ბ“ ქვეპუნქტის, მე-4, მე-5 პუნქტებისა და „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის N669 დადგენილებით დამტკიცებული 21-ე მუხლის მე-2 პუნქტის „ბ“ ქვეპუნქტის, 22-ე მუხლის 1-ლი პუნქტის „ბ“ ქვეპუნქტის, მე-2 და მე-4 პუნქტების შესაბამისად, ქედის მუნიციპალიტეტის საკრებულომ **გადაწყვიტა:**

1.მიეცეს თანხმობა ქედის მუნიციპალიტეტის მერს (როლანდი ბერიძე) ა(ა)იპ - „საქართველოს სამედიცინო ჰოლდინგი“-ს (ს/ნ:4021517330) პირდაპირი განკარგვის წესით, სარგებლობის უფლებით, 2 (ორი) წლის ვადით, უსასყიდლო

უზუფრუქტის ფორმით გადასცეს ქედის მუნიციპალიტეტის საკუთრებაში არსებული უძრავი ქონება კერძოდ:

ა) ამერიის ადმინისტრაციულ ერთეულში სამედიცინო ამბულატორიისთვის განკუთვნილი, შემდეგი საკადასტრო კოდით: 21.05.33.001.01.502 რეგისტრირებულ 97,20 კვ. მეტრი შენობის საერთო ფართი;

ბ) ოქტომბრის ადმინისტრაციულ ერთეულში სამედიცინო ამბულატორიისთვის განკუთვნილი, შემდეგი საკადასტრო კოდით: 21.04.31.004.01.501 რეგისტრირებულ 59,20 კვ. მეტრი შენობის საერთო ფართი;

გ) დანდალოს ადმინისტრაციულ ერთეულში სამედიცინო ამბულატორიისთვის განკუთვნილი, შემდეგი საკადასტრო კოდით: 21.09.34.001.01.502 რეგისტრირებულ 110,50 კვ. მეტრი შენობის საერთო ფართი;

დ) ცხმორისის ადმინისტრაციულ ერთეულში სამედიცინო ამბულატორიისთვის განკუთვნილი, შემდეგი საკადასტრო კოდით: 21.08.34.002.01.501 რეგისტრირებულ 117,0 კვ. მეტრი შენობის საერთო ფართი;

ე) მახუნცეთის ადმინისტრაციულ ერთეულში სამედიცინო ამბულატორიისთვის განკუთვნილი, შემდეგი საკადასტრო კოდით: 21.01.37.002.01.500 რეგისტრირებულ 157,80 კვ. მეტრი შენობის საერთო ფართი;

ვ) დოლოგნის ადმინისტრაციულ ერთეულში, შემდეგი საკადასტრო კოდით: 21.01.31.004.01.500 რეგისტრირებულ 46,20 კვ. მეტრი შენობის საერთო ფართი.

2. მიღებული განკარგულების შესახებ ეცნობოს ქედის მუნიციპალიტეტის მერს (როლანდი ბერიძე).

3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.

4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).

5. განკარგულება ამოქმედდეს ხელმოწერისთანავე.

ამირან ცინცაძე

საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

